

Ataataassuseq anaanaaqataassuserlu pillugit malittarisassat nutaat

Quppersagannguami matumani ataataassuseq, anaanaaqataassuseq aamma ikkussiffigitilluni naartulersitsiniartarneq pillugit malittarisassat nutaat, Kalaallit Nunaanni **1. april 2024-mit** atuutilertussat paasisutissiissutaassapput.

1. april 2024-miit ataataassusermut anaanaaqataassusermullu suliaasat illoqarfigisami palaseqarfiup Naalagaaffiullu Sinniisoqarfiata suliaasarilissavai. Nuup avataani suliaasat eqqarsaatigalugit politeeqarfiit Naalagaaffiup Sinniisoqarfianut ikiortaallutik taakkunannga suliaqartalissapput.

Erninermi

Ernereernerup kingorna juumuup erninermut nalunaarussiaq palaseqarfimmut nassiutissavaa. Meeqqamut ataataassutsip imaluunniit anaanaaqataassutsip nalunaarsornissaanut anaanaasup illoqarfigisaani palaseqarfik ikiutissaaq.

Ataataassusermik anaanaaqataassusermillu nalunaarsuineq

Meeqqap inunngornerata kingorna sap. akunneri sisamat siulliit iluanni meeqqamut ataataassuseq aamma anaanaaqataassuseq palaseqarfiup nalunaarsorsinnaavai, katissimagussi nalunaarsugaareernikkut imaluunniit katissimangikkussi nalunaarsorneqarnissaaq pillugu atsiorsimanikkut.

Taamaammat angajoqqaanngorlaatat katissimangitsutut pingaaruteqarpoq palaseqarfik attavigissagassiuk, "isumassuinermit- aamma akisussaasuinermit nalunaarut" atsiugassarigassiuk – atsiugassaaq taanna ataataasup anaanaasullu meeqqamut isumassuinissamik akisussaasuunissamillu nalunaarutaavoq.

Arlarsi ataataassusermut imaluunniit anaanaaqataassusermut tunngasumik nalornissuteqarpat imaluunniit arlassi inuup pinngoqqaataanik misissorneqarnissaa kissaatigigussiuk noqqaassutersi palaseqarfiup Naalagaaffiup Sinniisoqarfianut nassiutissavaa.

Sukumiinerusumik ilitsersuut Naalagaaffiup Sinniisoqarfiata nittartagaaniipoq www.rigsombudsmanden.gl

Meerara 1. april 2024 sioqqullugu inunngorsimappat

Illit meeqqat 1. april 2024 sioqqullugu inunngorsimappat malittarisassat nu-taangitsut atuutissapput. Taamaammat ataataassusermik suliaq ilinnut tunngasoq politiit suliarisussaavaat kingornalu eqqartuussivimmu nassiullugu tassani aalajangiiffiqeqassammat.

Ataataassuseq – anaana ataatalu katissimappata



Anaana ataatalu katissimappata ataataassuseq erninerup kinguninngua ingerlaannartumik palaseqarfiup nalunaarsussavaa.

Ataataassuseq – anaana ataatalu katissimangippata

Meeqqap inunngunnginnerani

Anaanaasup meeqqap inunngunnginnerani Naalagaaffiup Sinniisoqarfianut saaffiginninnermigut ataataassuseq akuersissutigittinnaavaa. Akuersissut taanna meeqqap inunngoreernerani palaseqarfimmut nassarneqassaaq ataataassutsip nalunaarsorneqarnissaanut atussammat.



Meeqqap inunngornerata kingorna, sapaatillu akunneri sisamat qaangiutsinnagit

Ataataassutsip nalunaarsorneqarnissaa pillugu anaanaasup ataataasorlu palaseqarfimminnut saaffiginnissapput uppersaammik atsioriartorlutik ataataassutsip nalunaarsorneqarnissaanut.



Meeqqap inunngorneraniit sapaatip akunneri sisamat qaangiuppata

Ataataassutsip nalunaarsorneqarnissaa nalornissutigineqarpat, ataataasorisat arlaqarsorineqarpat inuup pinngoqqaataanik il.il. misissuisoqarnissaa kissaatigineqarpat, ataataassarsuineq Naalagaaffiup Sinniisoqarfiata suliarissavaa



Anaanaaqataassuseq

Anaanaaqataassuseq meeqqap inunngornissaa sioqqullugu inunngoreerneratalu kingorna Naalagaaffiup Sinniisoqarfiata akuersinnaavaa. Meeppap inunngornera sioqqullugu anaanaaqataassuseq akuersinneqarpat tamanna palaseqarfiup, Naalagaaffiup Sinniisoqarfiata allaganngorlugi uppersaanaera tunngavigalugu nalunaarsorsinnaavaa.

Ilitsersuut uani atuaruk "Ikiorneqarluni naartulerneq (angutip anisuaanik)".



Ikiorneqarluni naartulerneq (angutip anisuaanik)

Meeqqamut anaanaaqataassutsimut imaluunniit ataataassutsimut tunngatillugu apeqqutaassaaq anaanaq katisimasaalu/inooqataalu aammalu immaqqa anisuumik periarfissiisooq nalunngisaq suliaritinnissaaq sioqqullugu atsiorsimanersut, suliaritinnerlu peqqissisaqarfimmi sulisumit ingerlanneqarsimanersooq.

Kalaallit Nunaani Naalagaaffiup Sinniisoqarfiata nittartagaani ilitsersuutit atuakkit.





Ataataassuseq anaanaaqataassuserlu


Ikiorneqarluni naartulerneq (angutip anisuuani)

Apequtissaqaruit tikilluaqqusaavutit illoqarfigisanni palaseqarfimmut,
biskopeqarfimmut imaluunniit Naalagaaffiup Sinniisoqarfianut
saaffiginninnissannut..



*Inoorlaamut ataataassuserput anaanaassuserpullu qanoq
nalunaarsorneqassava?*

*Angutip anisuuani ikkussiffigitinnissaq siunertaralugu ikiorneqarusukkutta
suna eqqumaffigissavarput?*



Kalaallit Nunaanni Naalagaaffiup Sinniisoqarfia

Indaleeqqap Aqq. 3
Postboks 1030
3900 Nuuk

Telefon +299 32 10 01
E-mail: ro@gl.stm.dk

Biskopeqarfik

Rasmus Berthelsensvej 2
Postboks 90
3900 Nuuk

Telefon +299 321134
E-mail: biskop@ilagiit.gl

Illoqarfigisanni palaseqarfik

Attavissatut paasissutissat uani nanikkit www.ilagiit.gl

